

Ahar seguit per :

Gautier LAGALAYE

Director

gautier.lagalaye@ofici-occitan.eu

Réf : AAC231208XXXX



APERET A CANDIDATURAS

Desvolopaire/desvolopaira territoriau, responsable/responsabla observacion (cat.A)

➤ Contèxte e presentacion de l'estructura :

L'Ofici public de la lenga occitana qu'ei un gropament d'interès public enter l'Estat, la Region Novèla Aquitània e la Region Occitània-Pirenèus-Mediterranèa.

L'Ofici qu'òbra de 2016 enlà e qu'a l'objectiu de sustièner la transmission e la socializacion de la lenga occitana entà desvolopar lo nombre de locutors actius. Que pilòta, qu'acompanha o que realiza politics lingüísticas qui an la vocacion de's desvolopar a las diversas pagèras territoriaus de las Collectivitats publicas sòcias o aliadas.

L'Ofici que cambiè de direccion fin de 2023 entà revisar lo son projècte d'establiment e la soa huelha de rota. En aquera perspectiva, l'Ofici qu'a decidit de recompausar largament la soa equipa tà anar de cap a la gessida d'ua « agència de desvolopament de l'occitan », au servici deus sons sòcis e deus sons aliats publics, se s'escad.

Atau reconfigurat l'Ofici qu'agirà a geometria variabla, en pròpi o mercés a convencions d'associacion dab autas Collectivitats publicas, en foncion de la soa capacitat d'expertesa e en mobilizant la deu son hialat interregionau (estructuras interregionaus publicas e parapublicas, cordèras de l'ensenhament, organismes de formacion, universitats, estructures de l'audiovisuau-mèdias-edicion, estructures associativas mei).

L'espaci occitanofòne de las regions Novèla Aquitània e Occitània-Pirenèus-Mediterranèa, sia tot o partida de 22 Departaments, qu'ei lo perimètre d'accion prioritari de l'Ofici.

Associacions mei que poirén d'un aute costat espelir capvath l'ensemble de l'espaci lingüistic occitan.

L'Ofici public de la lenga occitana qu'a la sedença a Tolosa (Occitània-Pirenèus-Mediterranèa) e tanben antenas a Bordèu e a Pau (Novèla Aquitània).

➤ L'equipa :


Que's constituirà ua equipa-cibla de 10 agents tà 2024.

Que's cèrca perhius e mestiers :

- D'ua part, en coheréncia dab los camps d'intervencion de l'Ofici : comunicacion, transmission, socializacion, animacion e desvolopament territoriau ;

- D'alta part, en complementarietat dab los mestièrs existents en las autas estructuras publicas o parapublicas partenàrias qui intervien en au nivèu interregionau.

Aquí l'organigrama-cibla validat peu Conselh d'administracion deu 27 de noveme de 2023 :



Organigrama-que cibla 2024//CA deu 27/11/2023

Que's poirà ajustar l'organigrama, En foncion deus perhius retienguts pendent la campanha de recrutaments.

📌 Objectius deu pòste :

- Favorizar l'emergéncia e acompanhar los projèctes interregionaus o locaux de socializacion lingüística ;
- Animar e coordinar los hialats d'actors interregionaus o locaux qui òbran tau desvolopament de l'usatge de la lenga en la societat ;
- Concèber e començar l'observatòri de la lenga occitana. En aqueth sens, l'agent que produseish estudis e analisis, quantitativas e qualitativas, au profieit de l'ensemble de las activitats deu Gropament.

📌 Quadre d'emplec :

Agent(a) de categoria A (quadre d'emplecs deus Estacats) titular(a) de la foncion publica territoriala o de la foncion publica d'Estat, mes/mesa a disposicion o destacat/destacada sus contracte, o manca de contractuau, confòrmament a las disposicions relatives a la mesa a disposicion previstas per l'estatut generau de la foncion publica. Qu'ei regit lo personau peu decret n°2013-292 deu 5 d'abriu de 2013 relatiu au regime de dret public aplicader aus personaus deus gropaments d'interès public.

📌 Missions :

A la pagèra interregionau, l'agent(a) qu'estructura progressivament un observatòri de las dinamicas de l'occitan en matèria de transmission com de socializacion lingüística. Que collècta e qu'organiza lo tractament d'informacions entà desvolopar atrunas d'observacion e d'anticipacion. Que comanda o que gavida estudis en los divèrs camps

d'intervencion deu Gropament entà l'ajuda a la decision e l'avaloracion de las politicas lingüisticas miadas. Aquera partida de la mission qu'ei concebuda com transversau a l'ensemble deus camps d'intervencion de l'Ofici ;

A las autas pagèras de desenvolopament territorial, de la comuna au departament, l'agent(a) :

- Qu'assisteish e que conselha las Collectivitats locaus engatjadas dens ua associacion dab lo Gropament,
- Que concep, que comença o qu'acompanha las accions de socializacion lingüistica territoriaus,
- Qu'anima la relacion aus divèrs publics e actors deu territòri a mobilizar dens l'encastre d'aqueras accions.

Relacions ierarquicas e foncionaus :

Qu'ei plaçat/plaçada l'agent(a) devath l'autoritat deu Director e qu'aurà relacions foncionaus dab las Collectivitats publicas sòcias o aliadas, atau com dab autes aliats exteriors.

Dens lo gropament, l'agent(a) qu'ei membre de l'equipa-projècte « desenvolopament territorial » e, se s'escad, qu'intervien en matèria d'observacion territorial au près de las autas equipas-projècte « ensenhament-formacion » e « comunicacion-événementiel ».

Perfiu e competéncias :

De formacion universitària superiora (Bac + 5), completada d'experiéncias vertadèras de conduita de projèctes e de relacions publicas, qu'avetz ua bona coneishença deus enjòcs ligats a las politicas lingüisticas e deus hialats institucionaus e associatius relatius a la lenga e a las culturas occitanas. Que mestrejat lo foncionament de las Collectivitats publicas e de las lors prerogativas en matèria d'accion lingüistica. Que mestrejat lo foncionament de las Collectivitats publicas e de las lors prerogativas en matèria d'accion lingüistica. Que mestrejat (o qu'avetz l'apeténcia tad aquò har) las politicas de desenvolopament territorial. Qu'avetz capacitats o competéncias en matèria de tractament estatistic, d'enquèsta e de cartografia qui son particularament esperadas. Qu'avetz tanben ua experiéncia en lo maine de las cooperacions multi-actors. Qu'avetz enfin competéncias en lenga occitana o, manca de, que vs'engatjat a las aquesir. Lo pòste qu'aurà bèths uns desplaçaments.

Procedura de recrutament :

Los candidats e las candiatas qu'an d'enviar ua letra de motivacion en francés o bilingüe francés-occitan, acompanhada d'un CV, entau **divés 02/02/2024**, per corric a l'adreça seguenta : contact@ofici-occitan.eu.

A la barradura de l'aperet a candidatura, los candidats e las candidatas que seràn seleccionats e recebuts entà un entertien dab lo Director de l'Ofici public de la lenga occitana a Tolosa e en preséncia de la Gestionària RH.

Data previsionau deus entertiens : lo 13 de heurèr de 2024.